

Der fünfft taylor.

¶ Das sechst Capitel.

¶ Thu wein in ein Kolben glass oder in ein krug setz in einen Kessel vol wassers darinn laß den wein heiß oder nur wol warm werdē/ du solt aber in den krug mit wein rot weiden holtz legen vñ Ingiber/ langen pfeffer/ vñ ein vrhab von rohem teyg/ oder heiß gebachen brot/ davon wirdt der essig starck.

¶ Das sibent Capitel.

¶ Item wiltu schnelliglichen essig machen/ So nym stehelin blech/ vnd glü die wol/ vnd lesch die dreymal in gutem starcken essig/ leg sie hin vnd behalt sy zu deiner notturfft. So du dann schnelliglich essig machen wilt/ so nim sie vnd glü sie wol/ vnd lesch sie in wein/ so wirt es auff der stet zu essig.

¶ Das acht Capitel.

¶ Wiltu vber landt essig mit dir tragen in der taschen/ wo hin kumest das du bereyten essig habest/ So nym die kern in der Kelttern auß der weinber hüß/ vñ trücfē sy wol/ stoß sie wol zu puluer/ auff das puluer geuß gutten essig/ vermisch wol/ laß es steen das sich das puluer an den grundt setz/ geuß den essig ab/ vñ trücfne das puluer an der Sonnen/ das thu zu dreymalen/ Vnd so du schnelliglich zur handt essig haben wilt wo du bist/ so nim des puluers vnd strew sein wenig in ein becher vol weins/ so hastu essig.

¶ Das neündt Capitel.

¶ Oder also. Nym heffen von essig vñ kait die mit rocken melß/ mach ein teyg/ vnd mach ein brot darauff/ sach es im ofen kaum halb/ nym es auß dem ofen legs in gutten starcken essig/ das es des essigs in sich zeucht/ So laß aber im ofen sachten auff halb/ nym es auß/ vnd legs wider in gutten starcken essig/ das es aber des essigs in sich zeucht also vil als es mag/ thus wider in den ofen/ sachts wol vnd behalts. Vñ wen du essig haben wilt auff dem weg/ oder wo du bist/ rür das brots ein wenig in ein becher weins/ so hastu essig.

¶ Das zehendt Capitel.

¶ Oder also. Nym weinstein/ wol geriben mit starcken essig zu dreymal/ vñ zu yedem reyben laß in wol trucken werden. dan mach kuges